

Sumbangan industri francais bertambah kepada RM35 bilion

KUALA LUMPUR – Persatuan Francais Malaysia (MFA) menasaskan sumbangan industri francais kepada Keluaran Dalam Negara Kasar (KDNK) sebanyak RM35 bilion menjelang tahun hadapan berbanding RM32 bilion tahun lepas.

Pengerusinya, Datuk Radzali Hassan berkata, sasaran KDNK tersebut dijangka berjaya dicapai menerusi peningkatan pelbagai produk eksport ke pasaran luar negara.

“Kami (MFA) mempunyai

lebih kurang 66 produk yang telah dibawa ke luar negara setakat hari ini (semalam).

“Kalau melihat kepada jumlah anggota MFA itu sendiri tidaklah begitu ramai tetapi dari segi pencapaian perkembangan perniagaan mereka, adalah sangat memberangsangkan di mana kita mempunyai kira-kira 4,200 kedai di luar negara.

“Justeru itu, MFA ingin menggalakkan lebih banyak francais tempatan menyertai persatuan ini bagi menggalakkan persaingan

yang sihat dalam usaha meningkatkan tahap kemajuan perniagaan dan sektor francais yang lebih berkualiti,” katanya.

Beliau berkata demikian kepada pemberita pada majlis pelancaran Malam Anugerah Francais Malaysia di sini semalam.

Malam Anugerah Francais itu akan berlangsung pada 4 Oktober depan bagi memberi pengiktirafan kepada para usahawan francais yang telah menunjukkan prestasi cemerlang serta memberi sumbangan kepada pertumbuhan industri francais negara. – Bernama



RADZALI